



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Tertium

González Téllez, Emanuel

Francofurti Ad Moenum, 1690

Capvt VII. Idem Episcopo (a) Trecensi, & Archid. Parisiensi.

[urn:nbn:de:hbz:466:1-74526](https://nbn-resolving.de/urn:nbn:de:hbz:466:1-74526)

CAPUT VII.

Idem Episcopo (a) Trecensi, & Archid. Parisensi.

Cum ad nostram. Et infra: Illud autem nolumus vos ignorare, quod postquam M. fuit Abbas effectus, (b) custodiā de jure non potuit obtinere, quia cū ratione Abbatiae ad ipsum pertineat donatio tam custodiæ, quam aliarum dignitatum, ac etiam præbendarum in Ecclesia Patranen. custodiā ipsam recipere non potuit à scipso, cū inter dantem, & accipientem debeat esse distinctio personalis; sed nec ab alio, cū jus conferendi alius non haberet.

NOTÆ.

1. (a) **T**recensi. Ita etiam legitur in tercia collectione, sub hoc tit. cap. 4. licet pro Parisensi, legatur Parisensi; sed ubique male, cū legendum sit Peronensi, ut notavit Cujacius in præsentij. Peronensis civitas est in Picardia, in cuius templo sepultum esse Carolum Simplicem Regem Francorum, refert Papirius Masson, in descript. Gallia per flum. fol. 317.

(b) **Custod.** De his custodiis egi in c. 4. de offic. ordin.

COMMENTARIUM.

2. **E**x hoc textu deducitur eum, ad quem spestat collatio beneficiorum, non posse seipsum instituere; quod etiam probatur ex cap. 3. de excess. Pralat. cap. per nosras, de jure paron. Illustrant ultra congettus hic à Barbola, plures laudati a Basilio lib. 8. de matrim. cap. 4. numer. 9. Petrus Gregorius lib. 1. partit. tit. 28. cap. 17. Gibalinus de clausura, disquisit. 1. cap. 5. §. 5. confess. 6. Rousellius lib. 2. histor. Pontificis juris. cap. 2. num. 11. Arenallo lib. 1. antinom. 5. Ratotamen ab Innocentio adducta illis verbis, cū inter dantem, & accipientem debeat esse distinctio personalis. In aliis actibus humanis generaliter vera non est: nam in actibus jurisdictionis voluntaria, & similibus non repugnat eundem plurimum personam sustinere, ut in casu legis si consul 3. ff. de adopt. ibi: Se Consul, vel Praef. silvissimilias sit, posse eum apud seneipsum, vel emanci-

pari, vel in adoptionem dari, constat. Et l. unicif. de offic. Consul. c. quod sicut, §. super eo, de elect. c. a collatione, de appellat, unde dispensare potest Prelatus in legibus à se positis, & in votis ac juramentis propriis, sicut cum subditis, Sanchez lib. 8. de matrim. disp. 3. & lib. 4. summae, p. 37. n. 2. Suarez, de legib. lib. 6. c. 12. Salas cod. tract. diff. 20. feb. 12. Basilius de matrim. d. n. 9. licet quod actus forenses, & jurisdictionis contentioſa regulariter vera sit predicta ratio, ut at Ulpianus in ille à quo 13. §. tempestivus, ff. ad Trebel. ibi: Ipſe se cogere non poterit; ex ratione adducta à Paulo in l. plures 9. ff. de patris, ibi: Nam difficile est ut unus homo duorum vicem sustineat. Ratio adducta ab Innocentio procedit in præsenti casu institutionis, quoad beneficia vel dignitates, ex speciali juris dispositione, videlicet ad evitandam ambitionem, quā ratione nemo in alienationibus, ubi proprium commodum versat, & per consequens frusus dari potest, sibi auctor fieri valet, l. 1. ff. de auct. tunc. ubi plura Gothofredus: Clement. 2. de rebus Eccles. quam rationem ambitionis expressit Pontifex in d. c. per nosras, ibi: Quia nullus ingenerere se debet ecclesiastica prælatonis officiis. Quare juxta hanc juris dispositionem dixit Innocentius in præsenti, inter dantem, & accipientem debere dari distinctionem personarum, in eo videlicet casu, de quo agebatur, cū in aliis actibus, ubi non datur hæc specialis ratio, non desideretur eadem distinctio personarum. An verò possit quis electioni de le factæ consentire, exposui in cap. cū in jure, de electione.

TITVLVS VIII.

De concessione præbendæ, & Ecclesiæ non
vacantis.

CAPUT I.

(a) Gelasius Papa ad Romanos.

Qui in vivorum sacerdotum loco ponuntur, hoc ipso sunt ab ecclesiastici ca communione pellendi, quo se passi sunt successores vivis sacerdotibus adhiberi.

NOTE: